

## Universitätsbibliothek Paderborn

**Hermes Theologicvs, Id est Synopsis totius Theologiæ,  
perspicuè, doctè, subtiliter, ac breviter discussa**

Et In octo Partes ... distincta ...

De Poenitentia Et Reliqvis Sacramentis

**Vindalium, 1646**

Sect. III. Quando obliget præceptum contritionis.

**urn:nbn:de:hbz:466:1-38867**

DE POENITENTIA CAP. VII. 133  
ualeat; qualis est vnica & simplex detesta-  
tio peccatorū omniū, propter Deum sum-  
mè dilectum. Imò si res attentè inspicia-  
tur, utilius est & securius actum aliquem  
detestationis, circa omnia peccata gene-  
ratim elicere, quam velle tantum de sin-  
gulis, per singulos actus conteri: in illa  
enim detestatione generali peccata om-  
nia includuntur; at verò si quæ obliuioni  
tradita sunt, quod ut plurimum contin-  
git, ea in singularibus aliorum detesta-  
tionibus non comprehenduntur.

---

### SECTIO III.

*Quando obliget Preceptum  
contritionis.*

### CONCLUSIO I.

**P**Ræceptum contritionis non obligat;  
cū primū homo aduertit se esse in-  
peccato mortali, nec in diebus festis, per-  
se loquendo. Prior pars probatur, qnā si  
eiusmodi obligatio haberet locum, se-  
queretur hominem toties peccare mor-  
taliter, quoties peccata recolens de iis  
non doleret, quod incredibile videtur;  
cum fideles eiusmodi omissionem non  
soleant conficeri, neque ipsi confessarij

quantumuis pij & docti , moneant in ea  
committi peccatum.

Sed possunt h̄c nonnulla obiici. Primō illud Eccli. 5. Non tardes conuerti ad Dominum, nec differas de die in diem : subitō enim veniet hora eius. In quibus verbis videtur contineri præceptum statim pœnitentiam agendi. Respondeo hoc loco nō agi contra eos, qui post peccatum commissum, prima data occasione de eo non conteruntur, sed contra illos qui ex proposito, aut culpabili animi tepiditate differunt pœnitentiam de mense in mensem, aut de anno in annum; qui vix à graui diuinæ bonitatis , & gratiæ contemptu excusari possunt , iuxta illud Pauli ad Romanos 2. An diuitias bonitatis eius, & patientiæ , & longanimitatis contemnitis , &c.

Rutsus obijcitur, nos teneri succurrere proximo , statim atque percipimus eum in graui aliqua necessitate corporali versari : vnde sequitur à fortiori, nos teneri consulere propriæ saluti, & incolumenti spirituali statim atque ea nobis innotescit. Respondeo neganda est consequentia; Et ratio discriminis est, quia si semel amittatur vita corporalis, ea nunquam recuperari potest ; vita autem spiritualis potest recuperari , quādiu homo vivit.

DE POENITENTIA. CAP. VII. 135

Quare etsi homo statim teneatur proximo opem ferre, quando videt eum in proximo vitae discrimine versari; non ideo sequitur eum qui est in peccato mortali, teneri statim contritionis actum elicere; sicut non teneretur statim auxiliari proximo, si remedium sine periculo differri posset.

Præterea obiicitur, qui aliquid alteri debet, tenetur statim restituere, & damnum resarcire. Ergo peccator tenetur statim Deo facere satis, & restituere ei honorem, quem peccando abstulit. Respondeo pariter negando hanc consequentiam: nam per dilationem restitutionis augetur damnum proximo illatum, quare non mirum est si debitor teneatur statim restituere; sicut autem per peccatum nullum Deo damnum infertur, ita per dilationem poenitentiæ nullum eiusmodi damnum augetur: quare non opus est, ut statim fiat satisfactio, sed suo tempore.

Posterior pars suadetur: nam si præceptum contritionis diebus festis obligaret, ea obligatio deduceretur, vel ex re iis diebus præcepta, vel ex fine præcepti. Non ex re præcepta; nam duo præcipiuntur diebus festis, nimirum ut Missam cum attentione audiamus, & ab operibus servilibus abstineamus; Possamus autem ritè

ca præcepta exequi sine contritione , vt  
perspicuum est. Non etiam ex fine præ-  
cepti, quia vt aiunt communiter Theo-  
logi, finis præcepti non cadit sub præcep-  
tum. Quare licet obseruatio festorum sit  
eo fine instituta, vt sanctificemus animas  
nostras Domino; eaque sanctificatio fieri  
non possit extra sacramentum, nisi per ve-  
ram contritionem , vel amorem Dei su-  
per omnia ; non propterea contritio vi  
illi præcepti est necessaria; quod simili-  
ter de amore illo Dei sentiendum est.

Dices, Deum non rectè coli, per actus  
ipsi minimè gratos , quales illi sunt qui  
funt in peccato mortali; ac proinde opus  
esse legitimam festorum obseruantiam, vt  
peccator se ad contritionem excitet. Res-  
pondeo quòd etsi per eiusmodi actus non  
colatur Deus , quantum quidem necesse  
est, vt homo gratiam diuinam sibi com-  
paret : colitur tamen per illos, quantum  
opus est vt peccatum viterur, & præcepto  
satisfiat.

CONCLVSIONE II. Præceptum  
contritionis obligat , saltem in articulo  
mortis.) Ratio est. quia præcepta non im-  
ponuntur hominibus , nisi pro hac vita.  
Ergo si quis ante articulum mortis, non  
impleuit præceptum contritionis , in eo  
illud exequi debet ; alioqui in æternum .

DE POENITENTIA.CAP.VII. 137  
damnaabitur,cum in futuro sæculo nullus  
sit locus pœnitentiaæ.

Dico, si ante, illud non impleuit: nam  
si alias de peccato verè contritus fuit,  
non tenetur tunc de illo iterum conteri:  
non enim datur præceptum de iteranda  
pœnitentia, sed de agenda: quamquam  
non parum utile sit eam repetere. Imo  
si quis per sacramentum cum attritione  
iustificatus fuit, probabilius mihi est,  
eum non teneri de nouo ad contritionem  
eliciendam, quia contritio non præcipi-  
tur, nisi existenti in peccato mortali, qui  
vero quavis ratione iustificatus fuit, iam  
non est in peccato: quare ille non tene-  
tur conteri. Hinc Luc. 15, dicitur, Iustos  
non egere pœnitentia.

Sed aduersus duplēm hanc limita-  
tionēm resolutionis nostræ, nonnulla  
possunt obiici. Aduersus primam dici po-  
test, verum quidem esse, unico actu con-  
tritionis peccata remitti; hoc tamen non  
obstare, quominus homo aliquando, &  
saltem in articulo mortis, teneatur con-  
teri de peccatis remissis: quia cum satis-  
factio per unicam contritionem exhibi-  
ta, non sit integra, per alium actum per-  
fici debet.

Verum licet unica contritio non sit  
æqualis iniuriæ, est tamen talis, qualcum

Deus exigit ab homine , vt ipsi veniam tribuit, ac debitum integrè quoad culpam remittat ; quare nulla alia ad hunc effectum est necessaria : alias si æqualitas spectetur, sexcentæ non sufficient.

Aduersus secundam limitationem sic argui potest. Ideò impositum est homini præceptum contritionis , vt pro culpa commissa deo satisfaciat quantum potest; at quando iustificatur in sacramento cum sola attritione , non satisfacit quantum potest. Ergo adhuc implendum illi superest præceptum contritionis. Respondeo hominem teneri Deo sufficienter satisfacere pro culpa commissâ : at extra sacramentum, vel actum formalem amoris , non satisfacit sufficienter , nisi per actum contritionis ; in sacramento vero per solam attritionem sufficienter satisfacit, quia Deus ob merita Christi in sacramento applicata supplet defectum hominis, & ei simpliciter remittit iniuriam, ac si integrè soluisset , Vnde attritio cum sacramento æquivalet contritioni.